

Protocol no. 73
Sezzüda da marcurdi, als 14 avuost 2013 **19.30 - 22.30**

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

S-chüsà Dumeng Jann causa vacanzas.

Fatschenda
no. 654

Maria Sedlacek, presidenta dal cumün da vaschins.

Protocol

Il protocol no. 72 da la sezzüda dals 30 lügl 2013 vain approvà.

654 011 LEGISLATIVA
Fusiun dals 6 cumüns

Il Cussagl dal cumün da vaschins vaiva trattà cul manader dal proget da fusiun, T. Zanetti, a regard l'agir dal cumün da vaschins in vist'a la fusiun dals cumüns. Id existan trais pussibilitats, dimena:

- schoglier il cumün da vaschins e til metter suot il cumün politic
- fusiunar ils cumüns da vaschins
- mincha cumün da vaschins restess autonom – disavantag füss qua cha quel nu pudess plü tour sù novs vaschins

Davart dal Cussagl da vaschins vain propuonüda la varianta da fusiunar ils cumüns da vaschins. Quai gnarà suottamiss a la radunanza dal cumün da vaschins a decisiun.

Chamonnas

La presidenta, M. Sedlacek, manzuna, cha'l cumün da Sent ha las plü bieras chamonnas. Id ais però da distinguer tanter chamonnas privatas sün terrain dal cumün da vaschins cun üna relaziun da dret da fabrica (22) e chamonnas chi sun in possess dal cumün politic cun üna relaziun da fittanza (14).

Ils contrats da dret da fabrica da las chamonnas dal cumün da vaschins scroudan sül 2017. Il Cussagl da vaschins prevezza però da prolungar quels amo avant la fusiun, dimena dal 2014 e quai per la dürada da 40 ons. Ü'n excepziun fuorm'il Prümbaran San Flurin chi'd as reglè cun ün contrat da 99 ons. Quista fatschenda gnarà eir suottamissa a temp ütil a la radunanza da vaschins.

Pellas chamonnas dal cumün politic existan duos variantas da proceder, dimena üna da masürar oura la parcella e da stipular per mincha chamonna ün contrat obain d'integrar tuottas chamonnas i'l contrat da fusiun.

Il Cussagl cumünal s'exprima pella varianta d'integraziun i'l contrat da fusiun, quai our dal motiv per simplifichar e pustüt cha'ls cuosts da l'otra varianta nu stan in relaziun.

655 021 FABRICA
Jachen e Maria Benderer; ingrandimaint stalla da bescha
Spinatscha / parcella no. 742

L'acconsentimaint davart l'uffizi per il svilup dal territori dal Grischun (BAB) ais avantman. In basa da quai e da la proposta da la cumischiun conced'ìl Cussagl il permiss da fabrica cun vusch unanima.

656 021 FABRICA
Tina Maria ed Arno Riz-Benderer; suottet pro la chasa d'abitar
Tufera / parcella no. 810

L'acconsentimaint davart l'uffizi per il svilup dal territori dal Grischun (BAB) ais avantman. In basa da quai e da la proposta da la cumischiun conced'ìl Cussagl il permiss da fabrica cun vusch unanima.

657 830 TURISSEM
Ruta da bikes Scuol – Vastur – Sent; tablas da signalisaziun

Davart dal TESSVM vain rendü attent, chi'd existan sül traget manzunà alchünas fouras da signalisaziun. Per complettar quel manco bsögna quai amo 5 ulteriurs muossavias da biks. Il Cussagl consulta la fatschenda e decida da complettar il traget cullas tablas necessarias. El acconsentisch'ìl credit necessari da fr. 400.00.

658 011 LEGISLATIVA
Fusiun dals 6 cumüns

Il Cussagl prevezza pros mamaing da spordscher a tuot il personal cumünal ün'infuormaziun sur dal stadi actual dal proget da fusiun. El discuta supr'ìls preparativs in fatschenda. Il vicecapo, Andri Poo, surpiglia da concepir la documainta necessaria.

659 860 PROVEDIMAINTE ELECTRIC
Fixaziun dal pedsch da la forz'electricca pel 2014

Andri Poo orientescha sur da seis aboccamaint culs respunsabels da l'Energia Engiadina. I's tratta uossa da definar quant chi's prevezza d'inchaschar resp. da metter in reserva per finanziair fatschendas generalas – „Abgabe an Gemeinwesen“. Il Cussagl accepta la proposta, dimena da laschar la situaziun sco fin da qua, vuol dir cun 1 rap pro kwh. Il pedsch da la forza as redüa, adonta quai, per 0.05 raps pro kwh. Quista masüra s'incleg'in möd analog eir ad oters cumüns.

660 070 STABELS D'ADMINISTRAZIUN
Adöver sala cumünala illa chasa Misoch; directivas

Id ha stuvü gnir constatà, cha la sala cumünala vain laschad'inavo vieplü in pac bun uorden e cha l'ingaschamaint resp. lura eir ils cuosts davart dal cumün sun creschaints. L'uffizi da fabrica e l'administraziun cumünala han erigi alchünas directivas, las qualas il Cussagl consultescha. Our da motivs organisatorics, da uorden mo eir finanziair relasch'el quellas directivas a man dals utilisaders da la sala. Talas vegnan publichadas i'l prossem Maschloch.

661 620.311 **Signalisaziun da vias e piazzas**
Plazzas da parcar visavi las chasas d'abitar dad E. Nogler ed A. Conti

Il schef da fabrica, D. Jann ed il manader tecnic, Ch. Poo vaivan fat la visita occulara insembel cun E. Nogler ed A. Conti. Il Cussagl piglia cogniziun da la notizcha d'acta, erigida dal manader tecnic e chi fuorma la basa sur dal facit in fatschenda. Id ha pudü gnir chattada üna soluziun chi cuntainta e la fatschenda ais uschè evasa.

662 942.503 **Stabilimaints possess da finanzas**
Proget Posta Sent / info per giasts TESSVM

Il Capo, A. Mayer, e la cusgliera M. Werro orienteschan sur da la visita occulara e l'aboccamaint cun rapreschantants da la Posta e dal TESSVM. Davart da Dani Koller dal TESSVM vain suottamiss il plan pel proget previs cullas novas localitats pel turissem e pell'agentura da Posta. Il Cussagl repassa la fatschenda.

Fit

El fix'il fit chi vain davo inchargià al TESSV pella località illa Posta e quai sün fr. 1'000.00 al mais excl. cuosts secundars, quai analog eir als cumüns da Guarda e da Ftan.

Plan dal proget

Cun quel va il Cussagl d'accord ed i po gnir prosegui cul proget.

Stima da cuosts / lavuors da mantegnimaint

Quella vain repassada. La stima demuossa cuosts da ca. fr. 31'500.00.

663 **DIVERSAS SCHEFS**

Tabla da destinaziun pell'entrada dal lö

La cusgliera, M. Werro, orientescha d'avair suottamiss al respunsabel da la TESSVM, motivs da fotografias pella tabla previssa. Da quella vart vain però rendü attent, cha'l format sco eir la resoluziun da las fotografias nu sajan sufficiants. Il fotograf passerà pros mamaing per far quellas cul aparat correspondent.

Trafo previs a Chavorgia

Andri Poo orientescha d'avair salvà ün aboccamaint culs tangats resp. cullas personas d'opposiziun. La situaziun nun ais uschè simpla per chattar üna soluziun. Il böt ais però, cha la l'Energia Engiadina po inoltrar sül november – december la dumonda da fabrica.

Cronica da Sent

Andri Poo orientescha, cha la società correspondent a ais gnüda fundada. Dr. Martin Pernet vaiv'inoltrà quel proceder insembel cul giurist, sar Michael Budliger, il qual s'ha ingaschà in möd gratuit a bön dal cumün da Sent. A sar Budliger pertocc'ün coridal ingrazchamaint per seis grond ingaschamaint a bön da nos cumün.

Punt Vallorcha

Davart dal silvicultur regional, Fadri Guler, ais gnüd'inoltrada la documainta pella realisaziun d'ün proget, quai sco dumonda supplementara pel object SIE 13/14. La stima dals cuosts s'amunta a fr. 120'000.00, i's po però quintar cun contribuziuns da bundant 70%. In oter cas as stuvsse refer la punt demolida ad agens cuosts e quai mincha jada chi gnissan giò boudas.

Il Cussagl decida, cun vusch unanima, da realisar quel proget, quai culla resalva da l'acconsentimaint da la radunanza cumünala.

Sauaziun da Sent

Men Caviezel orientescha, chi detta gronds problems cul sistem da sauaziun. Ils filters nu sun amo concepits in möd chi tegnan cunter al squitsch ed a l'insuos-chimaint da l'aua. I's ais uossa landervia, insembel culla meglioraiun, da chattar üna soluziun.

Cumün da Val Sot

Quel invid'al Cussagl a la festa d'inauguraziun dal nouv provedimaint d'aua per Ramosch, Vnà e Seraplana.

Nouvs abitants da nos cumün / aperitiv da bivgnaint

Marianne Werro orientescha d'avair fixà il termin pel aperitiv cun spassegiada tras cumün pellas persunas chi han tut quist on domicil in nos cumün. Quel ha lö in dumengia, als 20 october.

L'actuar:
Marco Fallet

Il Capo:
Albert Mayer